

61276/P

PENSUM INAUGURALE,
D E
P L E T H O R A.

Q U O D,
ANNUENTE SUMMO NUMINE,
Ex Auctoritate Reverendi admodum Viri,
GULIELMI ROBERTSON, SS.T.P.
ACADEMIÆ EDINBURGENÆ PRÆFECTI;

NEC NON
Amplissimi SENATUS ACADEMICI consensu,
Et nobilissimæ FACULTATIS MEDICÆ decreto;
P R O G R A D U D O C T O R I S,
SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS;
Eruditorum examini subjicit

B O Y L E U S C O G H L A N,
HIBERNUS.

Ad Id. Septemb. hora locoque solitis.

----- Sunt quaedam mediocria, sunt mala plura,
Quæ legis hic ; aliter non fit, Avite, liber.

MART.

E D I N B U R G I :

Apud BALFOUR et SMELLIE,
Academiae Typographos.

M, DCC, LXXIII.



317645

S A M U E L I H O B S O N,

Apud Youghall in Hibernia, Armigero,

Morum integrorum suavitatem,

In amicos beneficentia,

In omnes benevolentia,

Privatam vitam condecoranti,

Et omnibus quae ingenium probumque hominem

Ornant faciuntque

Virtutibus praedito ;

Propter multa beneficia, ac verae amicitiae testimonia,

Quibus se suosque prosequutus est,

In perpetuum venerando :

Nec non,

Condiscipulo suo carissimo,

JACOBO MANDEVILLE, M. D.

Artem Apollinarem, medicinae honori,

Suo proprio emolumento, hominumque saluti,

Jam exercitatus ;

Sive prout socio hilari, sive medico perito,

Sive amico integerrimo, ubique laudando :

Denique,

Amico dilectissimo amantissimoque,

JACOBO THEOBALDO PAYNE,

A R M I G E R O,

Morum urbanitate, indolis probitate,

Et aliis quae hominum benevolentiam fidemque

Sibi conciliare valeant dotibus, affatim ornato :

Hosce fructus primarios,

Exiguum animi non ingrati monumentum,

Ea qua decet reverentia dicandos censuit

A U C T O R.

Siro Ornatissimo ac consodali suo

Lidgerwood

Academici laboris Primitias

lubentissime offert

Boylus Coghlan.

PENSUM INAUGURALE,

D E

P L E T H O R A.

CUM lege cautum sit academica, ut omnes qui hac in Universitate doctoratum ambiunt, pensum inaugurale, libelli instar, imprimendum curent ; et ego, ea causa, invitum licet, fructus in lucem edere praematurus hosce coactum me comperio ; etenim quam lubentissime mihi met laborem haecce papyro inscribendi incomptae mentis dictata non suscepisse maluissem ; multo autem magis publici juris haud fecisse cupivissem. Ad hocce opus perficiendum, tremulam admove-
re manum non possum, quin vos, B. L. ut nil a me novi expectetis supplicem. Post lectionem, invenietis omnia ad huncce subjectum elucidandum adhibita aliorum esse laborum. Sat mihi erit cogitationes dictaeque eruditorum virorum

A

scriptis

scriptis professorum praelectionibus delegisse, ac in unum quae huc et illuc sparsa coniecisse. Et hujus me non pudet. Quis enim juvenum tam felix, tam sapiens, aut audax, qui omnia quae prolata sunt suo ex ingenio exhauriret? Unde vero nobis illa quae scimus? Ni aliis, itaque illis quae optima sunt, uti, eorum agnoscere rivos cur erubescam? In tractatione sequenti, pauca DE PLETHORA, antiquorum euchyma, proferre statui. Quae aliquando ut morbus, saepissime vero ansam huicce foecundam praebens, notari meretur. Eam matris multorum morborum nomine dotavit Stahl; dicitque Hoffmannus, ‘Nihil est, si forsan venena, et animi affectus, exceperis, quae tantam ruinam ac perniciem corpori minetur, atque illud tam gravibus morbis obnoxium reddat, quam nimia succorum abundantia; quia vires premit, et motibus impulsoribus resistit; unde tardior fit circulatio, segniores etiam excretiones, a quibus tamen salvis praecipue sanitatis functiones dependent.’ Non indignum itaque inter eos qui humanum genus adoriuntur locum tenet plethora; haudque immerito mihi pro conscribenda dissertatione supeditaret materiam. In cujus pertractatione, si quaedam oblita, alia omissa, aut nonnulla, forsan multa,

multa, perperam exposita, rudi atque impolito stylo expressa, videatis; vos, B. L. obsecro, ne vultu severiore, aut peritissimi virgula, animadvertatis: Nam, ut vobis magis polito exhibeam, neque vel tempus permittit, quinimo si et conarer, sub onere forsan succubiturae sunt tenellae meae vires. Vos etiam, quibus haec legere extra academiam obtingit, oro, ut, quod hocce opus sit mere academicum, inviteque susceptum, meminertis, etiam quod humanum sit errare, humanique nihil a me juvene alienum putandum sit.

Inter causas morborum praedispicientes, polychymiam, aut succorum in corpore molem inconsoletam, sanitati secundae minime accommodatam, recensuerunt antiqui; quam in euchymam seu fluidorum bonorum, et cacochymam, aut male moratorum, talem proportionem, qualem simul integra cum valetudine ferri non posse, diviserunt*. Ex iis nonnulli illam plethoram, hanc cacochymiam, nominavere.

In plethoram ad vires, et ad vasa, resolvebatur euchyma. Una in vasis tantam coacervationem, quantam cordis arteriarumque vires conjunctae facile movere non potuerunt, cui junguntur systematis

* Junck. tab. 2. Gaub. § 387.

systematis lassitudo, torpor, ejusque magna functionum oppressio; altera talem fluidorum massam qualem sine ruptura plus ferre recusent vasa, citra vero munerum animalium perturbationem notabilem, voluerunt*. Haec temperamentis, quibus acciderit, ulterius distinguebatur. Si in laxum, tenerum, ac mollem, seu corporis habitum sanguineum, incideret, ubi, ob partium delicatulam texturam, nulla, saltem parva, globulorum rubrorum ingressui datur oppugnatio; exinde cutis nitida, polita, ac rubicundulo colore suffusa, tunc neotericorum plethora ad habitum: Si autem in temperamentum melancholicum fibra rigida gaudentem, ubi, e contrario, ob cutis caeterarumque partium repugnantiam, coarctus est in aliis minus obsistentibus locis sanguis, unde venae tumidae, eminentes, tum eorum ad venas enascitur plethora†.

Hisce admodum sunt affines duae aliae species, quae vitae periodis partibusque systematis sanguiferi affectis stipantur.

In aetate infantili et juventute, quod arteriae quam venae soliditate minore ac densitate polleant,

* Gaub. § 388. 391.

† Gaub. § 388.

ant, testes sunt Wintringham jun. ac Robinson experimenta; unde fit in illis quam in his insignior fluidorum accumulatio. Progrediente vero vita, seu occidente, majorem proportionally firmitatem, forsan ex eo quod cordis insultibus directius obijciuntur, affecutae sunt arteriae, nunc venas distributionem imparem recipere invicem cogunt. Unde superpondii in diversis hujusce systematis partibus, diversis vitae gradibus, alternatio. Ineunte aetate arteriae, ingravescente vero venae, plethora laborant; quod ex haemorrhagiarum phaenomenis, quae in adolescentulis ab arteriis, in senilibus e venis, maxime profluunt; itemque ex colore cutis florido, venisque depresso in illis, oppositis vero in his, fuse ac clare comprobatur. Ex dictis quoque, cur frequentissime ad habitum juventuti plethora, et senectuti ad venas, fere semper occurreret; cur itidem ista, cui initio ad habitum impingitur nomen, postea, in vitae progressu, in plethoram ad venas evaderet, liquido patebit.

Restant adhuc duae alterae species, scil. Plethora ad spatium, quae et Respectiva vocatur; ubi sanguis, nec mole nec volumine adauctus, vasorum nihilominus capacitati male convenit, propter luminis eorum a variis causis imminutionem;

nem ; sicut paroxyfmi febrilis accessione, magna ac frigoris diuturna applicatione, aliisque, constrictionem inducendo, suas vires exercentibus ; et apparens, sive ad volumen dicta, ubi, e contrario, fluidorum moles, a calore externe applicato, exercitio vehemente, repentina atmosphaerae ponderis elevatione, &c. dum canalium amplitudo forsan in eodem statu durat, saltemve tali in proportionem non augetur, subito adaucta est *. Haec inter medicos distinctio magni habeatur momenti ; etenim ex ea pendet quid per diathesin phlogisticam, in auctorum scriptis tam celebrem, intelligendum, quae tonum auctum, seu vasorum in sanguinem contrahendi proclivitatem, actionemque, majores denotat. Hae sunt plurimae certe plethorae species praecipue spectandae, quae, quippe in auctorum scriptis tam saepe occurrant, eas explicatas habere, haud omnino inutile videtur.

Cacochymia omnino praetermissa, de plethora euchyma, ejusque maximi momenti speciebus, pauca paginis sequentibus proferre decrevimus. Priusquam vero hoc pensum suscipere conamur, quaestionem hic sese praestantem dirimere alicujus pretii

* Gaub. §. 389. 390.

prétii censeatur, An pro morbo, potiusve morbi causa, habenda est plethora? In utrimque multa perquam ingeniosa adduci possint argumenta: Verum talem enimvero componere litem, nostro iudicio nec factu facile, nec utile diremptu, foret. Quippe, si pro causa disponente aestimanda, morbi etiamnum conditioni ita appropinquat, ut cura animoque nostris aequae praevertere postulat; causae quia occasionales quae cum ea morbum inducere valent, hominibus semper ^{ades} opportunae sunt, ut in eodem statu sano diu perstare iis non concedatur *. Olim ab Hippocrate observatum fuit, quod, ‘ Bene habita athletarum valetudo, si ad summum processerit, periculosa, non possunt in eodem statu permanere neque consistere: Quum autem non consistent, nec in melius possunt proficere, superest ut in deterius vergant †.’ Contra, si plethora pro morbo duntaxat habeatur, tunc criterion, seu quandam normam fixam, a qua dirigendi sumus, in propatulo nos adducere oportet; quod, ob sanitatis latitudinem indeterminatam, causam inter et effectum distinguendi periculum, cuiusvis hominis idiosyncrasiamque, fere impossibile videtur. Ea etenim quae in uno plethoram ad vires, morbumve,

* Van Swiet. comm. in § 106. † Hippoc. aph. 3. § 1.

bumve, in altero molestiam levissimam, vix incommodum, praebeat. In medio iter tutissimum, modo causa, modo morbus, censenda est, uniusque effectibus obviam ire, alterius curam efficere, operae pretium erit.

Nunc quid per plethoram in sequentibus intelligendum, proxime aggrediundum est. Definitionem accuratam, brevem, simul ac copiosam, reprehensionisque expertem, stabilire, nobis, ob varias scriptorum sententias, specierumque copiam, minime concessum est. Tale quiddam jactanter sperare longe a nobis absit. Hancce vero, utpote ad plethoram cognoscendam, ejusque species ab aliis distinguendas, maxime idoneam nobis proponere liceat.

DEFINITIO.

Fluidorum bonorum in systemate sanguifero, cum dyspnoea, anxietate, oppressionis sensu, cutis rubore insolito ac vegeto, aut venarum intumescencia, copia praeternaturalis, corporis functiones ut plurimum perturbatae. Haec enumeratio omnes, scil. praecipuas species, plethora etenim ad spatium, ut et ad volumen, quoniam raro diuturnitate aut periculo praedita, praetereunda est, sub se continet; Ejus praesentiam manifestius denotant vultus color

lor rubicundus, labiorum, oculorum in angulis, aliarumque partium cute exiliter tectarum, rubor, corallii instar, notabilis; oculi paululum extantes, humectantes, vivacitate quadam insolita dotati; vasa perplurima in albugineam diffusa; demisso ac repente elevato capite, vertigo; visus deprivatio, tremulus aut ante oculos motus; pulsus plerumque mollis, plenus, tardus, facilis vero excitandus. Manu pectus superimposita, cor in sanguine expellendo aegre suo munere fungi, ac gravi quasi ictu contrahi, sentitur. Plethorici ad exercitationem sunt inepti; nam facile delassantur; et aliquando sponte, saepius vero, ab inconsueto motu, dolorem quendam contusivum in omnibus artubus experiuntur*. Labore tenui, aut cum superiora petunt, aegre spirant, facillime calefiunt. Vino, liquoribus spirituosius fortioribus, etsi levissima indulgentia haud impune iis praetereunda est; quippe etenim cutis, muscutorumque intumescencia mollis et aequabilis, respiratio ac pulsus citatiores, vertigo, oculorum suffusio, sanguinis versus caput magna determinatio, cum praecordiorum molestia insig-

B

ni,

* Hoffm. tom. 2. p. 3. cap. 8. et Junck. consp. theor., p. 618.

ni, eos laceſſunt, convivalem atque exceſſum immerito remunerant*. In ſomnolentiam proclives, et ſomno ſaepe opprimuntur invito, qui et longior atque profundior, ſaepe ſaepius vero inſomniis deturbatus, iteratione invaleſcat†. Qui-eſcente corpore, aegre ac tarde ſpirant, ſuſpiria-que pectore ex imo haud infrequenter evadunt. Plethorici magna ex parte nitidi atque obefuli, raro macilenti ſunt. In locis arctis, co-opertis, ignibus calefactis, temporibus hiſce quibus ſubito imminutum eſt atmosphaerae pondus, aegritudinem pergravem ſentiſcunt. Alvi excretio, niſi quod fortaliſis ſaepius quam augetur ſupprimitur, naturalis evadit‡; excreta autem, ingeſtorum ac morae ratione, parciora, ac multo magis indurata, quam in non plethoricis, exiguntur. Animi indolis, inter ſigna, fere omnes qui haecenus fuere auctores mentionem fecerunt, qui et ſerenus, tranquilluſ, placiduſque ſignabatur: Qua ratione vero, propter quod temperamentis ſanguineis hiſce nec propriuſ nec frequens eſt, in quibus maxime vigeat plethora, dubitandum ſit. E contrario, mens quae et hila-

ris

* V. Swiet. com. § 106.

† Hoffm. ibid,

‡ Hoffm. ibid. cap. 9.

ris est, nec sponte, varia ac mutabilis externorum adfectibus facile concitata, eorum pariterque immemor, denique, utpote corpus, mobilitate irritabilitateque plerumque praedita, iis naturaliter concessa; nonne hisce potius quam supradictis dotibus igitur stipari oportet? Plethoram ad distinguendam non multum confert, quoniam a medico rarissime, si unquam, in auxilium vocatur; quippe caetera non defunt, quae fatis ac abunde eam detegunt signa. Si in temperamentis melancholicis, quod rarius autem evenit, vel senescente aetate, exoriretur plethora, tum cutis floridae, animique mutabilis vice, venarum intumescuntiam, mentemque sedatam forsan ac tranquillam, obtinere docent observata.

SYMPTOMATUM RATIO.

Hocce sub titulo, quaedam de symptomatum, seu plethorae effectuum theoria, more solito, proferre volumus; quorum plerique fere ac omnes nimia ex sanguinis redundantia pendent.

Cutis caeterarumque partium rubor. Ex copia globulorum rubrorum insolita vasa capillaria permeante, cui ob partium mollitiem nullum datur ob-

obſtaculum : E contrario, *Venarum intumeſcentia*, e ſanguinis quantitate nimia, ob aliarum rigiditatem ac vim, in venas laxiores coacta oriri videtur.

Demifſo, &c. capite, vertigo, &c. ſitui mutato ſanguinis reditum oppugnant debentur ; unde in capite accumulatio, cerebrique compreffio, ex qua innafcuntur effectus

Plethorici ad exercitationem inepti. Nihil ex omnibus, quae mihi haecenus innotuere, adeo impenſe ſanguinis circuitum promovet ac exercitium ; nihil vero corporis calorem tam efficaciter adauget ac circulationis velocitas, et a calore maxima fluidorum rarefactio, quibus magnopere agitantur plethorici.

Dolor contuſivus rheumatici inſtar, a diſtentione vaſorum inſolita, ex ſanguinis vera copia, aut potius ejus volumine adaucto, pendere videtur ; quippe dolor eum referens, brachii venas ſubcutaneas ligamine comprimendo, ac in eas ſanguinem accumulando, gigni poſſit.

Vini, liquorum ſtimulantium, &c. quippe etenim ex ſtimulis circuitus citatior, et rarefactio, ex quibus profluunt cutis et muſculorum tumor mollis, manuum et digitorum claudendi inabilitas, &c.

In ſomnum proclivitas, et invitus ſomnus, forſan

san ex sanguinis in cerebri vasis coacervatione, nervorum originem comprimente, ut et animo solitudinum experte, aut ab iis quae ad mentis seu corporis exercitationem spectant vacuitate *.

Insomnia quae perterrent cerebri excitationi impari tribuenda sunt: Inter causas etenim vigiliarum seu excitationis Cl. Culleno recensitas, enumeratur sanguinis in cerebri vasis impetus adauctus, suo irritamine agens; simili effectū stipatur quantitatis augmen †. Utrisque in plethoricis favent systematis plenitudo, corpusque reclinans.

Corpore quiescente, aegre ac tarde spirant. Uti sanguinis circulus, ita fere semper spiritus; quandoquidem in plethoricis nullo stimulo commotis tardior evenit circulatio, sequitur, ut segnior itaque evaderet respiratio. Sed in iis, ob congestionem, in pulmonum aequae ac aliarum partium vasis, praeternaturalem, sentiuntur anxietas, molestia, ac praecordiorum aegritudo; ad quas tollendas, inspirationes altae atque profundae subinde excitantur. Cur ideoque ex calore, pondere atmosphaerae subito imminuto, enascatur anxietas, liquido constat.

Plethorici

* Cull. inst. § 126. 128.

† Inst. § 133.

Plethorici magna ex parte obefuli. Ex iisdem fere causis oriuntur plethora ac polysarcia. Prior nutrimenti in systemate sanguifero abundantia; posterior depositio potius hujusce in tela cellulosa secretio, habeatur. Cur itaque obefuli plerumque evadant, clare patebit.

Alvi excreta, pauca, indurata, ingestorum solutioni ac absorptioni vegetioribus debentur.

Mentis indoles. De mentis et corporis actione reciproca nihil fere certi deprehendimus; operationis modi vero prorsus incii. Experientia noscimus, quod haec ita inter se connexa sunt ac conspirant, ut unum alterius ope et auxilio in hac vita egeat, unumque in alterum agat, et invicem quoque patiantur; ultraque vero tenebrae. Sanguineum, aequae ac alia temperamenta, quavis animi indole dotavit instruxitque natura; quorsum autem, caligine ac dubiis, nunquam forsitan collustrandis, implicaverat. Quamobrem aliquid lucis clarioris affundendi, seu fusius aut accuratius exponendi, viribus penso tam imparibus, ita iniquis, aggressuri sumus? Longe a nobis absit ista mens, tam vana spes; nec certe audiendi qui rem tam arduam, difficultatibus undique circumfusam, ficulneis ratiocinationibus explorare aggrediuntur.

Caligines

Caligines discutere, ac in apricum horum naturam et nexum proferre, humanae soboli haud forsan concedatur; aut concessum, an multum ex usu esset nostro dubitandum sit.

C A U S Æ.

1. Qui temperamento sanguineo, ideoque partium mollitie, spongiosa textura, utpote plenitudinis incremento maxime commodis praediti, sunt plethorae opportuni: Nec sunt ii, qui temperie sanguinea melancholica gaudent, ab hacce omnino incolumes *.

2. Chylopoieticorum viscerum, atque haematopoieticorum vigor ac robur, instante simul aliarum partium laxitate; prioribus chyli blandi magna paratur copia, posteriore vero hujusce ingressui minus praebetur propugnaculum †.

3. Junior aetas ‡, seu potius ea intra annos decimum tertium ac tricesimum quintum degens: Tunc enim solida laxiora sunt, ac fluidorum coacervationi minus obsistunt. Praeterea in illa, sapientia summe miranda, corporis incremento

* Junk. consp. tab. 2.

† V. Swiet. aph. 106,

‡ Junck. ib.

mento per stabilem plethorae existentiam studiose suppeditavit alma rerum Genetrix, quae usque ad evolutionem partium systematis omnium, ac ultra, consuetudinis vi, perdurat; ea vero peracta, ista sanguinis pars ei accommodata nunc accumulatur; et exinde plethora.

4. Sexus sequior *. In hoc etenim maxime viget temperamentum sanguineum; etiamque in foeminis plethorae generationi ansam non infocundam praebet mensium subinde suppressio; iis singulis mensibus naturali lege evacuatur superfluous sanguis, eodem iterum temporis intervallo novo sanguine turgent; qui, nisi exigatur, plenitudinem creat. Denique, foeminae, propter quod vitam sedentariam, magnaue ex parte curis vacuam, degunt, quam homines frequentius plethora tentantur.

5. Iners vita, sollicitudinis expers †. Quantum accumulationi ingravescenti obsecundet quies musculosa, ab exercitii effectibus, postea recensendis, liquido constabit. Docet etenim observantia, quod, quo minus exerceatur corpus, eo minus evadent succorum dilapidatio ac dispersus, solidorum prodigientia et attritus; eo magis vero, ex eadem nutrimenti copia, retentio ac congestus.

Ac-

* Gaub. et V. Swiet. ib.

† Gaub. et V. Swiet. ib.

Accipe Gaubii verba, nimiam quietem objurgantis, “ Ex hoc fonte igitur polychymia, plethora, obesitas, profluunt ; quae farcinis corpus gravant, firmarum partium mole ac vi majoribus *.” Qui effectus multo graviores, si ad vitam otiosam subito confugiunt duris laboribus affueti. Quantum valeat vita curis vacua ex luctus diuturni ac pathematum animi deprimentium effectibus, corpus emaciando, chylopoiesin praecipue vitando, judicandum sit ! Teste poeta :

Attenuant vigiles corpus miserabile curae ;
Adducitque cutim macies ; et in aera succus
Corporis omnis abit : Vox tantum atque ossa supersunt †.

6. Somnus multus †. Hic causae praedictae, utpote ei multum affinis, forsan referri debet ; quantum ad fluidorum coacervationem conducat, facile intellectu. Tempore somni optime restituantur illa quae vigiliarum actionibus perierant ; tunc apprime perficitur totius corporis resectio ; fit in exemplum infantilis aetas, quo tempore solidorum incrementum ac prolatio velocius quam toto vitae decursu progrediuntur : Quippe tunc

C

magis

* Gaub. § 514.

† Ovid Met. lib. 3. 396.

‡ V. Swiet.

magis in cunabulis, quam exinde in lectis, somnum dominari soventem, compertum est. Non desunt etiamque ferarum exempla, quae vitam, hyeme vigente dormientes, sine pabulo sustentant. Luce durante, cum corporis negotiis tum animi studiis disillantur, quae quiescentibus horis congeruntur. Ex illis itaque imminutis, aut hisce productis, exoriretur plethora. Corpus laxando, vasorum robur imminuendo, ibique fluidorum augmini propugnaculum sublevando, multum praestat in longum protractus somnus. Si quotidie etenim, in exercitantibus, tantum dissipetur, quantum ingeratur, otiosi facti sequitur ut plethorici evaderent, praesertim cum causae, quae sanguinis boni abundantiam inducunt, suam symbolam eo conferunt. Somnus, propterea quod

————— per membra quietem

Irriget, atque animi curas e pectore solvat*,

plenitudini crescenti multum obsecundat.

7. Cibus nutrimento pollens†. Hocce sub titulo cibaria omnia, quae molis ratione chyli maxima quantitate scatent, comprehenduntur. Primas tenent carnes adipe redundantes, quia minime perspirabiles, et plus nutrimenti ‡ seu
materiei

* Lucret. † V. Swiet. ib. ‡ De cib. et pot. aph. 69.

materiei forsan globulorum rubrorum glutinifque fabricationi accommodatae continent; ideoque caeteris, ac vegetabilibus, anteponendae; quod testantur Sanctorii aph. xxiv. xlv. Vegetabili ex regno, oleo et saccharo affluentia aliis praeripiunt palmam. Eorum sub pleno ac diuturno usu magnopere crescit, et, opitulantibus causis praedictis, novas acquirit vires plethora.

8. Excretiones secundum aut praeter naturam solita quantitate deficientes. Ad primam pertinent perspiratio insensibilis, menses, lactatio; ad secundam, sanguinis fluxus, tum factitii aequae ac spontanei, fontanellae, &c. De quibus in ordine.

A. *Perspiratio.* Hancce staticis experimentis ad calculum redegit laborum amans, multumque laudandus, Sanctorius; cujus verba: ‘In homine utente moderato victu, perspiratio nocturna aliquando ascendit ad tres libras; in utente plenissimo, stomacho praeeistente vacuo et robusto, potest ascendere ad quinque libras*.’ An hunc, quoniam inhalationis per cutim prorsus ignarus, ad amissum statuerit, dubitari liceat. Si corpus etenim, tempore matutino, quinque libris hesterni ponderis deficeret, non
ergo

* De cib. et pot. aph. 69.

ergo dicendum est, tantum per insensibilem perspirationem duntaxat evasisse; quoniam de inhalatione noctis, quae ad unam, duas, vel alteras libras ascendisset, omnino tacemus. An hisce regionibus conveniret, in dubium necnon vocaretur. Quippe quia hujus loci clima, victus, hominumque mores, a quibus valde afficitur calculus, ab illis ubi facta essent experimenta multum discrepant.

Nihilominus, etiam in hisce regionibus percutim evacuatio, quoniam magna evadit, magni momenti habenda est; praesertim quod, ob coeli lubricam instabilemque temperiem, saepe saepius supprimitur; et exinde, eadem ingestorum copia manente, nulla vero alia excretionem suam suppeditante auxilium, sarcina gravatur corpus. An verum periculum inferat, an per longum invaleat, seu ad polyainiae genus pertineat, necne, in medio derelinquendum est.

B. *Menses*. Horum suppressione, utpote feraci ex fonte, profluit plenitudo*. An initio fluxus menstrui origo plethorae generali, potiusve topicae, tribuenda sit, adhuc sub iudice; quod autem ejus diuturnitas priori debeatur, omnibus fere concessum. Quamobrem ex menstruis

* V. Swieten aph. 106.

struis ergo suppressis, citra lactationem seu alteram evacuationem, consequi oporteret plethoram, facile intelligitur; an paucos ultra menses saepe duraret, incerti sumus: Quippe quia eorum retentio diu perstare non potest, quin multis variis, ac plethorae repugnantibus noxis, stipe-
tur.

C. *Lactatus*, infantis morte, graviditate, animi pathematibus, &c. subito aut immature suppressus, eundem praestat effectum. Vicissitudini tam repentinae sese ex improvviso accommodare non potest systema: Solita ideoque progrediente refectione, deficiente autem sumptu, exsurgit accumulatio.

D. *Sanguinis fluxus, seu spontanei, seu factitii*, ubi in longum perduravere, simili ac mensium modo, plenitudinem efficiendo, suas vires exercent. Nihil retulit, unde suam priores deducant originem; quoniam, utrum ex plethora an morbo, eorum recursum sanguinis redundantiae plerumque adscribendum esse, ac systematis valetudini secundae necessarium evadere, constat. Ab his aut illis impeditis, nec aliter exaequatis, profluunt multi saepe pergraves effectus, inter quos eminet plethora. Uti naturalis, ita sanguinis educendi consuetudo artificialis, praetermissa, i-
dem

dem superpondii genus gignit: Sit in exemplum homo, quem, petulanter, urgente aut causa, sanguinis missionibus utentem, quibusdam ac forsan intervallis eas iterantem, plethora periodica demum adoritur; pariterque sanguinis detrahendi consuetudo non nisi summo sanitatis periculo derepente deponenda: Ex observatis enim constat, quo saepius sanguinis detractionem patiatur homo, modo non penitus inde debilitetur, eo citius ac certius postea novo sanguine turgere*. Lege quadam naturali, uti jaëcturis tum fortuitis aequae ac naturalibus suppeditationem accommodaret, nostrum, vigente sanitate, comparatum est systema. Quandoquidem id, quod sanguinis missionibus consumptum est, intervallis renovari consuevit, atque, solitum circa venaesectionis tempus, eadem patiuntur mala, ac ea quibus, retentis aliis, aut spontaneis excretis, affligi soleant homines; opus est, ut in illis, pariter ac his, idem ab evacuatione proveniret levamen. Unde inevitabilis evadit venaesectio, quae, aut procrastinata, seu omnino praetermissa, plenitudini ansam praebeat. Necnon sanguinis detractiones iteratae, vasorum atoniam laxitatemque concitando, systema plethorae opportunius reddunt.

E. Fonti-

* Swiet. aph. 106.

E. *Fonticuli et ulcera subito suppressa*, quomodo suos edant effectus, ex praedictis rite perpenſis facile intelligatur.

9. *Moles corporis imminuta*. Docent obſervata chirurgica, quod ſaepe ex dearturitione conſectetur plethora: Quippe ex membrorum truncatione imminuitur corporis menſura, ideoque ſuppeditationis conſumptio. Humores igitur, qui artus abſciſſos adire ſolebant, alveis ſuis ſumptuque conſuetis privati, in ſyſtema coacervantur *.

Hae cauſae ſunt praecipuae, a quibus, conſentientibus medicis ſummi nominis, efficaciffime, tum citiffime, exoriretur vera plethora, ſeu ſanguinis boni abundantia. Quantum eae conferant ſingulae ac omnes, diſſerere conati ſumus. Quamplurimum itaque huiusce ad medelam ſpectet earum notitia, ex praemiſſis in aprico eſſe ſperamus.

D I A G N O S I S.

A corpulentia, ſeu Sauvageſii polyſarcia adipofa, ſolummodo hancce ſecernere, pro merito haberetur.

* Boerh. praelect. Hall. aph. 781.

haberetur. Priusquam hoc peragere conaremur, observare haud absonum foret, quod opus ex se non multum adferat commodi; quoniam signis tantummodo, iisque parumper, dissimiles, causis rationeque medendi sibi sunt valde affines. Plethora etenim ea est materies nutritioni apta, in systemate circulatorio retenta; adeps vero ejus in membranam cellulofam depositio, potius secretio. Hic easdem fere causas ac illa ex origine agnoscit. Cautelam quandam, quoad curationem, postulat, scil. ne statum obesum per venaesectionem unquam avocare conaremur; quippe etenim hujusce tametsi quadam cum administratione, plethoram sublevare, nullam tamen periculo vacuum, qua corpulentiae mederi, tentaremus, adhuc detectam comperimus. E contrario, venaesectio ad talem corporis statum alliciendum efficacissima evadit, teste laniorum praxi, qui, ut vitulos reddant pinguiore, sanguinis missionem iterant. Medicorum scripta, ejusdem effectus in systema humanum, praxi eadem inducti, haud exemplis deficiunt. Ad diagnosin stabiliendam, in auxilium imprimis vocanda polyfarciae moles. Quidam illius gradus, utpote earundem causarum effectus, plethoram plerumque comitatur*; sed nunquam statum istum

* Gaub. §. 394. Junk. tab. 2.

Itum periculo aut molestia praeditum assequitur: Etenim sanae pinguedinis excessum duntaxat consignant quae suffocationem minantur, functionibusque obstant. Haec, plethora adstante, nunquam adesse credenda; quippe, quo adeps maxima, ibi sanguinem minima pollere quantitate, repertum est *. Contra, plethora mole abnormi, quae ne minimam quidem largitur deformitatem, nunquam confociatur. Hacce, nihilominus, multo magis opprimuntur obruunturque systematis functiones, quam sarcina obesitatis notabili.

Cutis color quoque discrepantiam indigitat. In obeso, propter vasa compressa, adipe involuta, aliquantulum imminuta, insignis obtinet pallor; plethorico rubor †: Ille haudquaquam vel minime temperiei vicissitudine, hic maxime, afficitur. Opimi istam aegritudinem, seu dolorem contusivum, ac plethorici, nunquam experiuntur. In illis pulsus parvus, tactu vix sensibilis, aliquando incompertus; his vero plenus, validus, et ante oculos, nonnunquam evadit. Huicce vero haud semper credendum. Ad diagnosin certiore[m] sta-

D

bilien-

* Boerh. praelect. acad. 476. Lieutaud prec. de la med. chap. de pleth.

† Boerh. prael. 591.

biliendam multa alia adfunt signa, quibus ac affatim scatet plethorae historia. Haec, e quibus praecipue huic affulgeat lux, quoniam notatu facilia, adducere supervacaneum foret.

C U R A.

Nunc ad ultimam hujusce dissertatiunculae partem, seu plethoram curandi ac praeventendi methodum, perventum est. Consilia hisce aptissime accommodata in duo sese resolvunt.

I. Fluidorum in corpore excessum avocare,

A. Sanguinis missionibus ;

B. Alvum ducentibus.

II. Ejus recurfui oppugnare,

A. Causas occasionales evitando ;

B. Diaeta parca, temperata ;

C. Exercitio commodo utendo.

De singulis pauca in ordine.

I. Alveos inclusis exonerare, nihil aeque proficit ac,

A. *Sanguinis detractio*, praecipue ex vena ; quae quia, cito morbo adstanti auxilium praebens, globulos rubros, a quorum exuberantia pendent fere omnia mala recensita, efficaciter alliciens,
saluti

salutifera naturae conamina referens, facilis usurpanda, denique, periculi expertissima, caeteris evacuationibus longe praeripit palmam. Quantitatem detrahendam symptomatum rationi accommodemus oportet. Quibusdam etenim in casibus, ob vasorum summam exquisitamque tensionem, ineffabile, ab evacuatione licet mitissima, levamen perferunt. Veruntamen etiam, ut in his, tam impigram sanguinis regenerationem, ac venaesectionis, quoad possumus, iterationem declinaremus, majorem sanguinis copiam semel exhaurire opus est. Quippe Dodartii experimentis *, uncias sedecim sanguinis venaesectione expromptas, intra quinque dierum spatium, homine sano, adulto, victu laudabili utente, renovari compertum est †. Unde in promptu erunt levis educationis incommoda. Quo citius sarcia- tur damnum, eo maturius, sarcinam ad compe- scendam, altera instituenda est venaesectionis.

At

* Hist. de l'acad. des scien. l'an. 1707. p. 234.

† Ejusmodi quantitatis jacturam iteratam intra tot dierum spatium saepe numero renasci haudquaquam volumus: Nam crebrae sanguinis secessiones corpus nostrum ita imbecille, ejusque functiones tam languidas, reddant, ut impediantur chylopoiesis et haematopoiesis.

At si plethoram instantem avocando, valentissima, recursum tamen obsistendo incertissima, nonnunquam evadit venae sectio. Sit in exemplum homo, qui, ut statum plethoricum tolleretur, sanguinis missionem ad xvi uncias, cum levamento expetito patiatur; sex sive quinque post diebus, victu ut solito utente, reparatur dispendium, novo sanguine turget, iterumque praedictum a chirurgo levamen postulat; ac in usum hujusce oblectamenti, pro re nata, donec venae sectionibus repetitis plethora habitualis, quibusdam et recte dispositis intervallis revertens, enascatur, perseverat; quae, ni majore cum periculo, saltem pluribus fortioribusque incommodis confociatur: Quia, ut jamjam indigitavimus, sanguinis educationes iteratae, corpus laxando, id plenitudini reddunt obnoxius. In systema sanguiferum, tensionem ejus sublevando, praecipue suas vires intendunt. Robur itaque ac tonum debellando, excretionibus ab hisce pendentes fortiter impeditant, quibus vero imminutis, eadem ciborum quantitate assumpta, gradatim exuberat sanguis; qui, propter quod vasa excretoria, evacuationem inter ac systematis congestum, contractionis ac constrictionis aliquod, quibus ansam praeberebat vis distendentis imminutio, affecta

cuta sunt, usque adeo, copiam ~~potestatem~~que quibus antea distensa fuerunt, nunc penso impares sunt, molem assequitur, quam prius nunquam attigerat; unde accumulatio quam ante, post singulas venaesectiones, grandior evadet *.

Haecce incommoda sola non metuenda sunt. Quippe etenim ex hoc fonte haud infrequenter profluunt polyfarcia ac dirus hydrops; quorum exemplar hisce verbis depingit Cl. V. Swieten: “Vidi foeminam, cui, ob validissimos et saepissime renatos animi affectus, sexagesies et ultra vena fuerat secta intra anni spatium, quae obessissima facta, paucorum mensium spatio, 150 librarum pondere aucta fuerat; et dum continuo turgeret renato sanguine, nova sanguinis mittendi necessitas urgebat magis quotidie; donec tandem, soluto omni corporis robore, in hydropem incideret†.”

Ex hisce rite perpenſis, quod instantis plethorae tametsi curam efficiendo maxime, nihilominus recursui ejus obſistendo, huicce methodo ut minime credendum sit, in proclivi erit; hoc tamen quadam sub administratione quod effici queat, pro certo habeatur. Haecce sententia adimplenda est, sanguinem ad optatum usque systematis
sola-

* Cul. prael.

† Comm. aph. 106.

folatium educendo ; tunc ineuntis plethorae, debito post tempore, signa diligenter perscrutando, quorum exortu vena, minoris autem quantitatis, spolianda ; ab incepto diaetam quantitate seu qualitate deficientem sedulo prosequendo ; qua conferente in longius procrastinatur plethorae recursus, ideoque depletionis necessitas ; sic intervalla adaugeſcendo, quantitates vero minuendo, donec ad ſtatum priſtinum plenitudine^mque valentem tandem pervenerit corpus, iterantur venaeſectiones ; in quo, exercitio victuque commodis poſtea recensendis conſervandum eſt. Methodus haecce, quoniam non ſine magna cum ſedulitate ac cura exequenda ſit, ad curam potius inchoandam, quam eam adamuſſim conſummandam, uſurpari oportet.

Cautelas ſequentes, huiusce remedii uſui accommodatas, in medium conferre haud abſonum videtur. Sunt corpora quae, ob vaſorum ſummam tenſionem, ac ſyſtematis nervoſi mobilitatem irritabilitatemque, ex ſubito vel magno ſanguinis diſpendio, ſyncopen, interdum convuſiones moleſtas, adipiſcuntur ; quibus ut oppugnaretur, ac vaſorum laxatio eximia, quae in plethoricis pro emolumento noxas infert, evitaretur, ſanguis, ſitu recubante, ore minus patulo, nonnunquam brevi interpellato,
chirurgo

chirurgo detrahendus est. Hoc perfecto, liberum per alveolas transitum, ligamine cunctatim solvendo, sanguini praebere oportet.

Quantitas, ratione aetatis, sexus, habitus, climatis, consuetudinis sanguinem mittendi, praeter caeteris vero symptomatum vis, statuenda est; quae, prout in diversis admodum diversae, normae generali minime ergo obnoxia, medici iudicio permittenda sunt.

B. *Alvum ducentia.* An multum hocce ad malum antevertendum conducant cathartica, propterea quod sanguinis ferum aut gluten tantummodo exhauriunt, sub iudice haeret. Plethoram globulorum rubrorum redundantiam esse jamjam indigitavimus, qui vasis rubris coacervantur, ac iis folis gyrum perficiunt. Cathartica ideoque, quoniam, muci e glandulis ac feri ex vasis exhalantibus quantitatem adauctam sollicitando, vascula minora partem sanguinis decolorem ventientia duntaxat exinaniunt, ad plethoram tollendam, seu vasa sanguifera exoneranda, haud multum conferant verisimile videtur. Quatenus vero plethoram adjuvat quicquid ingestorum morae, ideoque chyli assumptioni favet, eatenus hisce obviam eundo cum fructu ac laude usurpantur laxantia.

Haud

Haud immerito, ejus insultum praevertere, in auxilium advocatur alvi solutio; quae et optime cathartici, suas vires lenissimo cum stimulo exercentibus, peragitur. Haec sunt sales omnes, sulphuris flores, ac ricini oleum: Caeteris vero fructus acidi dulces, quia lenius ac dulcius eundem praestant effectum, longe anteponendi. Hisce deficientibus, illisque fastidium cientibus, ad methodum Boerhavianam confugiendum est; cujus verba: “ Si vero necesse habueris alvum mollire, id efficere poteris, aucto potu, diminuto cibo, vel omisso prandio, et motu ante pastum paulo majori *;” pro prandio derelicto vegetabilium usus forsan aeque juvabit, aegroque minus invite assentietur.

II. Plethorae recursum obviam ire.

A. Priusquam hoc absolveremus, Idiopathicam inter et Symptomaticam Plethoram discernere haud inutile videtur; propter quod hujusce in praesentia amandatae insultus, affectionis primariae sublevatione, solummodo praecavendus est. Symptomatica cum plethora ad Volumen, seu Spuria, minime confundenda: Illa etenim imminutae, seu suppressae cuidam excretioni fluidorum,

* Prael. acad. §. 1055.

rum, molem amplificanti, debetur; haec ex calore, aliave causa eorum volumen adaugente, pendet. Ex quibus, quid per idiopathicam intelligendum, in aprico est. Si pro causis agnoscantur perspirationis ac menstruae purgationis imminutio aut retentio, tunc earum restitutioni, utpote secundae ac valetudinis integrae perceptioni pernecessariarum, conatus ac medici remedia dirigenda sunt. Si, e contrario, haemorrhagiae aequae spontaneae ac factitiae plenitudini ansam praebuissent, tunc eas, quoniam periculo variisque incommodis scatentes, dirimere, earumque defectui systema gradatim componere, illum oportet.

Hicce, sub causis relatis, parum adjici restat. Inter plethorae scaturigines enumerabantur somnus nimius, solitaeque excretiones repressae. Hujusce indulgentiam procul arcendi necessitas, praeter mala inde profluentia, jamjam recensita, ex opprobrio eo in juventute digne annexo, et ejus declinatione absque incommodo peracta, nova assequitur incitamenta. Harum primas tenent muliebris purgatio ac perspiratio insensibilis; quarum fontes prohibitionis omnes, ac mendendi consilia tradere, nec scopo nec viribus conveniat. Omnino forsan ineptum esset, pauca

tantummodo proferre de rebus ita inter se momentosis ; quandoquidem ut hocce opus perficere conaremur nostrum non nunc est, ad alias plethorae origines flocci faciendas transeundum est. Inter nimiae plenitudinis causas recensebatur et cibus nimio nutrimento pollens. Diaeta tenuis ac parca, prout dissimilem praestans effectum, ejus loco succenturienda est. Consiliorum omnium vero valetudini secundae conferentium, nullum aeque ac abstinentia, victuque dura temperantia, ditioribus haud minus vegetioribus auditu tam difficile, ac abufui ita obnoxium, evadit. Prioribus, nempe, luxuriis indulgere, festivas dapes celebrare, quam suave, quam dulce ! deponere ergo quam difficile ! Idque peragere, plus exigunt quam medici sollicitatio, aut periclitantis mali formido, efficere possint ; praecipue, quando levamen a venaesectione, sine ullo negotio, et tam expedite, assequi possimus. Neque vegetioribus, aut illis usque ad satietatem indulgentibus, facilius persequenda. In utrisque nihilominus commoda et utilis mutatio effici queat ; illis etenim quantitatis, hisce ciborum qualitatis, immutatio lubentius ferenda sit. Ex utraque parte vero plenitudinis recursus in longius protrahitur ; posteriore, ob cibariorum numerum multifor-

mem,

mem, quam priore, melius perficitur. Inter vegetabile ac regnum animale magnum obtinet discrimen. Ex hoc quae petuntur, plus istius materiae, globulorum rubrorum ac glutinis generationi accommodatae, minus per cutim evehi praebent. Plethorae itaque multo magis favent, quam haec ex illo segregata. Unde, in omni plethorae casu, victus vegetabilis in usum revocandus, animalisque quam maxime fugiendus; praecipue caro, minime quia perspirabilis, ut testatur Sanctorius: “Corpus magis ponderosum redditur quatuor unciis cibi multi nutrimenti, qualis est caro porcina, & pingua omnia, quam sex unciis cibi pauci nutrimenti, ut sunt pisciculi, pulli, aviculae, et alia id genus. Ex usu carnis suillae triente minus solito corpus magna ex parte perspirat *.” Earum loco, si toti a carne abstinentiae assentiri nequeat, ^{20. § 110} digestionem perspirationemque faciles patiuntur supponendae. Cavendum est tamen, ne a diaeta opipara ad parcio-rem nimis subita fiat transitio; ne systema, mutationi tam repentinae inassuetum, quid detrimenti accipiat. Consuetudinis aegroti, ut et cibi ventriculo convenientis, ratio habenda est. Ineptum esset dicere, quod victus sumendi tem-

pus

* De cib. et pot. § 45, 24.

pus naturae rogatibus conveniret ; quoniam mos, confortiique desiderium, certos praescribere limites, quos ultra citraque decorum consistere nequit. Attamen, ut quam raro et parce comederent, moneremus ; vel, si hoc fieri non potest, cibus saepe, et restricte, potius capiendus. Etenim malum multum aliquando epularum excessum consequitur ; eo quod ventriculus nimiam quantitatem sat cito digerendi incapax est : Unde debilitate, oppressione, fastidioque, languet systema ; sique per noctem, aut vigilia, aut somnus interpellatus, insomniosus, febrisque temporanea, laceffunt. Hujusce inculcatio, quia raro multumque comedere minus nutrire, nobis forsan objiciatur ; teste Sanctorio, “ qui comedit magis quam oportet, alitur minus quam oportet *.” Multa veruntamen incommoda, hancce concomitantia, nostram sat stabilirent sententiam ; ex duobus enim pessimum fugiendum est malum. Caena gravis, deliciarumque diversitas magna, utpote ad satietatem semper vergens, praecavendae. “ Tria mala (dicit Sanctorius) eveniunt ob ciborum varietatem ; nimium comeditur, minus concoquitur, et minus perspiratur †.” Victus intemperantia exercitio parum utentibus sedulo arcenda ;

in

* Ib. § 54.

† Ib. 51.

in illis enim effectus multo graviores diuturnioresque evadunt. “Ciborum plenitudo magis nocet in otioso quam in exercitato *.” Quam verum esse illud poetae distichon lector iudicet :

The first physicians by debauch were made ;

Excess began, and sloth sustains the trade †.

Haecce prophylaxeos pars, abstinencia peracta, aetate paululum provecta, quam tenera, tutius exequenda. Illa ad defectum suppetiarum forendum melius adaptatur, eo quod minus fere exercet ; in ea atque circulatio languidior, calor corporis temperatior, ideoque et partium difflatio minor. Praeterea, in illa non amplius requiritur nutrimenti quam quod ad solidorum dispendium suppeditandum sufficiat ; in hac vero, aliud exigitur supplementum, ad corporis incrementum subministrandum.

Haecenus de cibo solummodo tractavimus : De potu vero pauca sufficient. Ejus excessum, praecipue plethora existente, nocere quis non videt ? Liquida vinoso spiritu scatentia sedulo vitanda, minusque stimulo gaudentia substituenda, vel priora aqua prolixè temperata. Fortiores brassii liquores, vel magnam solubilis farinae copiam

* Sanct. ib.

† Dryd. fables.

piam tenentes, utpote nimis nutrimenti prae-
bentes, etiam omittendi; eorumque loco, lympa,
aut succo pomis expresso, quandocunque con-
venient, uti debemus. Hocce juventutem, absque
renixu, exequi oportet; senectuti autem, vel
Baccho libare affuetis, diaeta tam austera haud
omnino injungenda.

B. *Exercitio commodo.* Huicce termino, diver-
sos laboris gradus relegari, sensuique coercito,
quo plerumque accipitur, haudquaquam limita-
ri, volumus. Laudes et praeconia exercitio a
scriptoribus tributa, cum efficacissimam contra
morbos prophylaxin, tum malis chronicis poten-
tissimum remedium, extra dubium, designant.
Hoffmannus, de eo loquens, universalis remedii
nomine dotavit, dixitque, “quod neque eo excel-
lentius datur in rerum natura remedium, a
quo tam eximia prorsus beneficia in corpus hu-
manum redundant*.” Loquitur Avicenna, “Pos-
sent homines, si debito tempore exercitio ac la-
bore uterentur, omnibus medicis carere, ac me-
dicamentis†.” Inclytissimus Verulamius, quæ e-
jus laude prodigus, addit, vix aliquam in mor-
bum inclinationem inveniri, quæ non exercita-
tione quadam propria corrigi possit. Quotidiana ex-
pe-

* Hoffm. t. 1. l. 2. c. 9.

† Lib. 1. cap. 1.

perientia horum eulogiorum ~~vari~~etatem commonstrans, uti plura exercitii utilitatis testimonia adducamus, supervacaneum reddit. Quapropter, paucos tantummodo recitando effectus, hujus ad plethoram ejusque sequelas arcendas, commodi indicium faciemus. Omnia ab exercitio profluentia ampliter tractare, nos longius eveheret; quare, facta considerare, paucaque in illustrationem dicere, nobis sufficiat.

Exercitium cor mechanice stimulat; validiores frequentioresque concitat contractiones; fluidaque remotissimis systematis partibus expedit; excretiones omnes ejus vim recognoscētes, praecipue cutaneam, promovet; istam nutrimenti quantitatem, quae in pigro necessario coacervaretur, dispellit; vi et iteratione, densitatem, vigorem, tonumque systematis, universaliter adauget. De his pauca figillatim dicenda sunt.

1. *Cor mechanice stimulat.* Sanguinis reditus, diversis muscutorum ad corpus movendum conatibus, magnopere adjuvatur, deproperaturque, quibus venae eorum inter fibras dispositae, ut et adjacentes, eorum turgente mole, motuque variante, comprimuntur, inclusa majori solito copia, per venas valvulis instructas, citius ac fortius
urgentur

urgentur pellunturque ; cor irritando, iteratas contractiones, eoque celeriores circuitum, instigant. Istiusque vigore haudquaquam immutato,

2. *Remotissimis systematis partibus fluida expedit.* Sic congestiones locales, nocivosque effectus, plethorae haud infrequenter devenientes, praevenit ; tonum vasorum adaugendo, ut fortius in fluida agant, facit. Circuitu quoque accelerato,

3. *Excretiones, praecipueque cutaneam, quoniam haec prae caeteris sanguinis motui alligatur, promovet.* Vasis superficiei excretoriis cedere coactis, quantitas fluidi inusitatior transmittitur ; cui etiam calor corporis auctus, humorum putredinem accelerando, sicque majorem copiam illac inclinando, magnopere favet. Quibus omnibus modis valde augetur perspiratio, cujus momentum ad plethorae obviam eundum utilissimum ex jam dictis clare apparebit.

4. *Istam nutrimenti quantitatem, &c. dispellit.* Corporis exercitio inassueti, quales ^{est} sunt plethorici, solida, dispendio parum obnoxia, minus ad jacturam reficiendam nutrimenti exigunt ; ideoque, pari ex ingestorum copia, in otioso quam in exercito, sit major accumulatio. Exercitatio, certum
tum

tum ad gradum impulsa, adipem, plethorae confortem, imminuit; macilentum corporis vero sanum statum gignit. Tametsi majorem cibi appetentiam praestat, jacturam~~am~~ refectio^{ne} plusquam exaequat; quod testantur Van Swietenii verba: “Quotidie duris laboribus exercitatos, licet voracissimi simul fuerint, plethoricos tamen rarissime quis inveniet.”

5. *Densitatem, &c. systematis adauget.* Quoniam hi effectus non statim post subitum exercitii usum sentiuntur, “vi iteratione^{que}” anneximus. In solidi simplicis aggregationem agit, ejusque densitatem, partem aquae ejus formationem subeuntis dispellendo, variisque extensionis et compressionis gradibus caeterarum partium motu subjiciendo, adauget. Vigorem contractilitatemque solidi vivi, ut et facilitatem qua sese contrahit, suo stimulo augmentat. Quatenus atque ad plethoram proveniendam multum conducat laxitas, ejusque viam sternat systematis vascularis imminuta cohaesio, exercitium, hisce obviam eundo, oppugnaculum fluidis faciendo, eatenus potenter, ne dicamus totaliter, plenitudinis regressum arcebit. Quando vasorum tonus per diuturniorem distensionem diruitur, exercitium remedium valde idoneum evadit.

Nunc ad varias exercitationis species, proposito maxime idoneas, transeundum est ; quae in activas passivasque commode dividuntur. Priori, motus multiformes, corpore ipso peractos ; posteriori, varii gestationis modi quibus impellitur corpus, visque externae actioni subjicitur, cui frictio releganda, referri debent. In classe activa, species ad hancce sententiam adimplendam utilissimae praecipue petendae sunt. Ex diversis motus generibus, ambulatio et frequentissima et efficacissima est. Illam ad perficiendam plerique adhibentur corporis muscoli : Attamen lenis est, diuque haud magno cum labore protrahi potest ; iterationis capax, et ad gradum, instaurationi systematis toni, excretionumque promotioni, necessarium, adaugeri queat. Alia pleraque exercitia activa ab hoc vi et gradu tantummodo discrepant ; quales sunt cursus, saltatio, &c. ; quapropter omnia ab illis profluentia commoda ab idoneo hujusce usu hauriri possunt. Tempore quo scriptores vocis exercitio tantas congefserunt laudes, *ars dicendi* magnopere fuit exculta ; tunc, propter varios gestus, pathemata exprimendo, verba, sermonis intermissiones, ornando, peractos, violenta ac operosa fuit exercitatio, cujus labor audientium numero ambituque mul-

multum adauctus fuit: Sed nunc tantopere derelicta, pauci, aut nulli, ad fospitandum, ea utuntur. In hac classe *natatio*, quae in aestate tam maxime restaurat recreatque, dummodo certos frequentiae ac durationis limites observare praecaveamus, non est praetermittenda. Ubi, ob vasorum distensionem diu existentem, atonia obtineret, cum motus muscularis, tum lavationis frigidae commoda secum ducit, gratoque calore ab illa profluente perspirationem multum adjuvat, augmentatque.

In classe passiva, *equitatio* potentissima habetur, propterea quod equum ad imperandum, ephippiumque recte tenendum, multi occupantur musculi. Effectibus ambulationem maxime appropinquat, nonnullisque optabilior, quoniam lassitudinis expertior, videtur. Objectorum varietate equitanti oblato animus alacer hilarisque efficitur. Sydenhamus magna ei tribuit praeconia, ac dicit: “At vero nihil, quae mihi hactenus innotuere, adeo impense sanguinem spiritumque fovet firmatque, ac diu multumque singulis fere diebus equo vehi*.” Ex verbis Hoffmanni perspirationem valide procreare videtur. “Gradaria equitatio universo corpori proficua

* Pag. 414.

ficua est, perspirationem imprimis aequaliter promovendo; unde vultus vivido colore suffunditur, et animus quasi nova alacritate exsurgit *.” Omne ideoque fert punctum, quia utili admiscet dulce. Laeta animi conditio, transpirationi insensibili favendo, multum prodesse aestimatur; quod clarius ex Sanctorii dictis adparebit: “ Nimis animi quies magis prohibet perspirationem, quam corporis †.” Iterumque, “ Corpus quiescens magis perspirat, et minoris ponderis fit, si animo ^{“““}vehementer agitatur, quam si celerrime moveatur corpus, animo manente otioso ‡. Equitatio, quoniam ad hancce animi actionem, ut et consolationem concitandam, maxime idonea, caeteris hujusce saltem classis longe praeripit palmam.

Gestatio, seu curru vel rheda vehi, lenior est quam ut magnos edat effectus; et in auxilium tantummodo advocanda, quando vel per se, vel coeli intemperie, ingrata austeraque fiat. *Navigatio*, nisi quod perspirationi magnopere favet, plethoricis haud multum adfert commodi; et ad plethoram avertendam objectionis minime expers est. Sufficiat vero quod a Gilchristio ipso opponitur: “ That complying with it (scil. navigat.)

* Tit. i. l. 2. c. 9.

† De ex. ac qui. § 15.

‡ De an. aff. § 35.

vigat.) will require a degree of reason and fortitude beyond what the small feelings of lighter ills, or a mere modish affectation of being ill, can ever inspire *.”

Frictio, ultima hujusce species, usu haud vacua est. Cutis vasorum enim actio, corporisque calor, illa augentur, acceleratur circuitus, excretoriorum ora vasorum magis pervia, perspirationisque transmissio, nunc majori copia evolantis, aptiora redduntur. In aetate provec-ta, aut quando staminum mollities vehementiori, etsi efficaciori, uti exercitatione vetet, caeteris etiam, quia quoquo tempore, absque coeli vicissitudinis aut aliorum periculo, usurpari queat, anteponenda. Quo universalior corpori applicatio, eo insigniores ejus effectus.

Quaedam de Exercitationis Usu Praecepta.

1. Omnes exercitii jam memoratas species cum salute ac fructu usurpari possint, evacuationibus, quales sunt venaesectio, et purgatio, modo praemissis : Hisce autem neglectis, omnis corporis nifus vehementior, seu circuitus incrementum, periculo stipetur.

2. Quaecunque aegroto melius adaptatur
species,

¶ Pref. to the use of sea voyages.

species, initio lenis, ac parum protracta, esse debet, usque dum iteratione majores ferre queat conatus.

3. Non eo usque, ut fatiget, persequenda. Ad debilitatem aut fatigationem producta, imminuit perspirationem, ac commodis obstat effectibus. Ejus ultimi limites lassitudinem perquam levem tantummodo attingerent.

4. Sub Jove peragenda : Ubi frigoris tonica vis, circulatioque minime interruptae transpirationis copiae succurrunt, frigidus humidusque aër, utpote cutaneae excretioni inimicus, sedulo vitandus.

5. Vel ante cibum, vel longe post, exercitium, opportunius habetur. Omnibus fere concessum, ventriculum plenum incommodo, vacuum utilitate, haud carere. Testatur Hoffmannus, “ Sicut corporis agitatio ante cibum instituta sanitati egregie patrociniatur ; ita quae sumptum cibum statim subsequitur, cum summa perniciæ conjuncta est *.” Quo quadrat Sanctorii aph. “ Exercitium, post septimam, usque ad duodecimam horam, ab assumpto cibo, magis resolvit insensibiliter horae spatio, quam tribus horis alterius temporis †.”

6. Per

* Ib.

† De ex. ac qui. § 7.

6. Per activae exercitationis usum aeger haud nimis vestiendus ; postque, si necessarium videtur, vestes permutandae. Matutinum vespertinumque tempus huicce optime inserviunt. Haec attamen, aequae ac species et duratio, aetate, consuetudineque, &c. valetudinarii, ut et tempestate climateque, ordinanda.

Inter praedisponentes plethorae causas recensita fuit animi inertia. Oppositus itaque status in prophylaxin usui adhortandus ; ideoque aliquam mereri attentionem videtur. Quoniam autem animi auspiciū parum penes medicum fit, magnumque cum vita habeat nexum ; de hac re, in cuius tractatione plus ingenii quam utilitatis exponeretur, tacere consultius putavimus.

F I N I S.

